



Trg pravde 10, 76100 Brčko distrikt Bosne i Hercegovine; web: jt-brckodistriktbih.pravosudje.ba; tel: 049/217-227; faks: 049/219-088; e-pošta: jtbd@jtbd.ba
Трг правде 10, 76100 Брчко дистрикт Босне и Херцеговине; web: jt-brckodistriktbih.pravosudje.ba; тел: 049/217-227; факс: 049/219-088; е-пошта: jtbd@jtbd.ba

Broj: T18 0 KT 0018150 24

Brčko: 19.06.2025. godine

Optužnica sa kaznenim nalogom

Na osnovu člana 35. stav (2) tačka h) i člana 226. stav (1) Zakona o krivičnom postupku Brčko distrikta BiH, podižem:

OPTUŽNICU

Protiv:

A. Š., zvani „A.“ rođen ...1991.godine u Brčkom,

Što je:

Dana 18.11.2024.godine, oko 12,50 časova, u ulici ..., Brčko distrikt BiH, upravljajući putničkim motornim vozilom marke VW „Passat CC“, registarskih oznaka ...-...-..., krećući se iz pravca Bukvika ka centru Brčkog, u blizini kućnog broja ... ulice ..., iako svjestan da se ne pridržavanjem saobraćajnih propisa može ugroziti javni saobraćaj i dovesti u opasnost život ljudi, za što je olako držao da do toga neće doći, kretao se brzinom od 41 km/h, na dijelu puta na kojem je zbog izvođenja radova na putu saobraćajnim znakom dozvoljena brzina 30 km/h, postupio suprotno odredbi člana 43. Zakona o osnovama bezbjednosti saobraćaja na putevima u BiH, propustio da brzinu kretanja prilagodi osobinama, stanju puta i da sa povećanom pažnjom vozi, uz mogućnost da vozilo blagovremeno zaustavi pred svakom preprekom koju može da predvidi, pa je usljed neprilagođene brzine neobraćajući pažnju na pješaka A.O., koji je, gurajući pored sebe bicikl marke „Cyco“, sa istim stupio na kolovoz i otpočeo radnju prelaska ulice sa lijeve na desnu stranu, gledajući iz njegovog pravca, a što mu je bilo vidljivo na udaljenosti oko 57,5 metra, od mjesta gdje se nalazio O., pa zbog tog propusta nije usporio vozilo i prilagodio brzinu kretanja vozila na brzinu manju od 31,1 km/h, kako bi propustio pješaka i na taj način izbjegao kontakt, usljed čega je na desnoj saobraćajnoj traci gledano iz pravca kretanja vozila došlo do udara donje zone prednje lijeve čeonice površine branika automobila u desnu bočnu stranu bicikla u zoni pogonske osobine a zatim potiskivanja pješaka A. O. i njegov pad, usljed čega je A. O. zadobio teške tjelesne povrede u vidu preloma gornjeg spoljašnjeg okrajka desne golenjačne kosti sa pomakom koštanog ulomka, i laku tjelesnu povredu nagnječno – razdernu ranu na dlanu lijeve šake,

dakle, kao učesnik u saobraćaju, na putevima nije se pridržavao saobraćajnih propisa i tako iz nehata, ugrozio javni saobraćaj i doveo u opasnost život ljudi, pa je usljed toga kod drugog nastupila teška tjelesna povreda,

čime je počinio krivično djelo - Ugrožavanje javnog saobraćaja - iz člana 326. stav (3) u vezi sa stavom (1) Krivičnog zakona Brčko distrikta BiH.

[...]

****Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.****
